



ხელშეკრულება № 227-6

ნორმატიული აქტების საინფორმაციო-საძიებო სისტემა "კოდექსი-ოფისი 2007 R3"-ის ინფორმაციულ მომსახურებაზე

ქ. თბილისი

20 დეკემბერი, 2016 წელი

ერთის მხრივ, შპს „ინფოსერვისი“, წარმოდგენილი მისი დირექტორის ზურაბ თეთრაძის სახით, შემდგომში - „მომწოდებელი“, და

მეორეს მხრივ, სსიპ „საზოგადოებრივი მაუწყებელი“, წარმოდგენილი მისი გენერალური დირექტორის მოვალეობის შემსრულებლის თინათინ ბერძენიშვილის სახით, შემდგომში - „შემსყიდველი“,

„სახელმწიფო შესყიდვების შესახებ“ საქართველოს კანონის 3(1) მუხლის „ს1“ ქვეპუნქტის და სახელმწიფო შესყიდვების სააგენტოს თავმჯდომარის 17.08.2015წ. №13 ბრძანებით დამტკიცებული „გამარტივებული შესყიდვის კრიტერიუმები და გამარტივებული შესყიდვის ჩატარების წესი“-ს 2(ა) მუხლის თანახმად, წინამდებარე ხელშეკრულების საფუძველზე თანხმდებიან შემდეგ ზე:

1. ხელშეკრულების საგანი

1.1. წინამდებარე ხელშეკრულების საფუძველზე, შემსყიდველი ყიდულობს მიმწოდებლისგან საკანონმდებლო და კანონქვემდებარე აქტების საინფორმაციო-საძიებო სისტემით "კოდექსი-ოფისი 2007 R3" უზრუნველყოფის მომსახურებას (შემდგომში "კოდექსი-ოფისი") (მონაცემთა ბაზის პროგრამული პაკეტი, კლასიფიკატორის # 48611000). „კოდექსი-ოფისი“ მუშაობს ოპერაციულ სისტემებში – MS WINDOWS 7/XP sp3, და შედგება სამი პროგრამისაგან:

ა) "კოდექსი-ოფისი 2007 R3 "

ბ) "კოდექსი-ოფისი 2007 R3- კოდიფიცირებული"

გ) "კოდექსი-ოფისი 2007 R3 – საერთაშორისო ხელშეკრულებები"

1.2. "კოდექსი-ოფისი 2007 R3 " მოიცავს:

– საქართველოს კონსტიტუციას;

– საქართველოს პარლამენტის კანონებსა და დადგენილებებს;

– საქართველოს პრეზიდენტის (პარლამენტის თავმჯდომარე – სახელმწიფო მეთაურის)

ბრძანებულებებსა და განკარგულებებს;

– საკონსტიტუციო და უზენაესი სასამართლოების განჩინებებს, გადაწყვეტილებებსა და პლენუმის დადგენილებებს;

– საქართველოს რესპუბლიკის მთავრობის (მინისტრთა საბჭოს, მინისტრთა კაბინეტის) ძირითად დადგენილებებს;

– საქართველოს ეროვნული ბანკის, საგადასახადო სამსახურისა და ფინანსთა სამინისტროს მიერ 1993 წლის 1 იანვრიდან მიღებულ ძირითად კანონქვემდებარე და ნორმატიულ აქტებს (დადგენილებები, ინსტრუქციები, დებულებები, მითითებები, წერილები და ა.შ.);

– ქ. თბილისის საკრებულოსა და მერიის დადგენილებებს, გადაწყვეტილებებს, ბრძანებებს, აგრეთვე მუნიციპალიტეტის კაბინეტის დადგენილებებს;

– სამინისტროების, კონტროლის პალატის, გენერალური პროკურატურის სხვადასხვა სახელმწიფო სამსახურების (დეპარტამენტები, კომისიები, სააგენტოები და სხვა) მრავალ დოკუმენტს.

1.3. "კოდექსი-ოფისი 2007 R3 კოდიფიცირებული" მოიცავს საქართველოს ყველა კოდიფიცირებულ კანონსა და კოდექსს;

1.4 "კოდექსი-ოფისი 2007 R3 – საერთაშორისო ხელშეკრულებები" მოიცავს საერთაშორისო ხელშეკრულებებს, შეთანხმებებს, ოქმებს, დეკლარაციებს, მრავალმხრივ ხელშეკრულებებს, საერთაშორისო კონვენციებს;

1.5. ამ მუხლის 1.1. პუნქტით გათვალისწინებული მომსახურება მიმწოდებელმა შემსყიდველს უნდა გაუწიოს 2017 წლის 1 იანვრიდან 2017 წლის 31 დეკემბრის ჩათვლით.

2. ხელშეკრულების შესრულების კონტროლი

2.1 მიმწოდებლის მიერ ხელშეკრულებით ნაკისრი ვალდებულების შესრულების კონტროლს შემსყიდველის მხრიდან განახორციელებს სსიპ „საზოგადოებრივი მაუწყებლის“ ინფორმაციული ტექნოლოგიების სამსახურის უფროსი ალექსანდრე დარჩია.

2.2. შემსყიდველი მომსახურების გაწევის პარალელურად განახორციელებს შესყიდვის ობიექტის (გაწეული მომსახურების) შემოწმებას. იმ შემთხვევაში, თუ მომსახურების გაწევის პერიოდში აღმოჩნდება გარკვეული ხარვეზები და მიმწოდებელი ვერ/ან არ უზრუნველყოფს აღნიშნული ხარვეზის გამოსწორებას, შემსყიდველი უფლებამოსილია უარი განაცხადოს შესყიდვის ობიექტის მიღებაზე და მიღება-ჩაბარების აქტის გაფორმებაზე. შესყიდვის ობიექტი ჩაითვლება მიღებულად მხოლოდ მხარეთა შორის მიღება-ჩაბარების აქტის გაფორმების შემდეგ.

2.3. შესყიდვის ობიექტის შემოწმების პროცესში მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ხარვეზის აღმოფხვრა.

2.4. შესყიდვის ობიექტის ტექნიკური და ხარისხობრივი კონტროლი (შემოწმება) გაიმართება შემსყიდველის იურიდიულ მისამართზე, მიმწოდებელი ორგანიზაციის წარმომადგენლის თანდასწრებით.

2.5. წინამდებარე ხელშეკრულების გაფორმებაზე უფლებამოსილი პირი და ასევე ხელშეკრულების შესრულებაზე პასუხისმგებელი პირი, წინამდებარე ხელშეკრულებაზე ხელმოწერით ადასტურებენ, რომ გაცნობილნი არიან „სახელმწიფო შესყიდვების შესახებ“ საქართველოს კანონს და მათი მონაწილეობა შესყიდვის განხორციელების პროცესში არ ეწინააღმდეგება აღნიშნული კანონის მე-8 მუხლის მოთხოვნებს.

3. ხელშეკრულების ღირებულება და ანგარიშსწორების წესი

3.1. ხელშეკრულების დადების მომენტში ცხრა მომხმარებელიანი ქსელისათვის მონაცემთა ბაზის ყოველთვიური ინფორმაციული განახლება ანაზღაურდება 120 (ასოცი) ლარის ოდენობით დღგ - ს ჩათვლით.

3.2. ხელშეკრულების საერთო ღირებულება შეადგენს 1 440 (ათას ოთხას ორმოცი) ლარს, დღგ-ს ჩათვლით.

3.3. გადახდა მოხდება ყოველთვიურად მომსახურებული თვის ბოლოს წარდგენილი ანგარიშ - ფაქტურისა და მიღება - ჩაბარების აქტის საფუძველზე, 10 (ათი) საბანკო დღის განმავლობაში.

4. მხარეთა უფლებები და მოვალეობები

- 4.1. *მიმწოდებელი* ვალდებულია განახორციელოს "კოდექსი-ოფისი-ს" ინფორმაციული განახლება არანაკლებ ორ კვირაში ერთხელ, ახალი საკანონმდებლო და ნორმატიული აქტების მიღების შესაბამისად.
- 4.2. "კოდექსი-ოფისი"-ს ინფორმაციული განახლება მოხდება ელექტრონული ფოსტის გამოყენებით.
- 4.3. შემსყიდველი ვალდებულია დაიცვას საინფორმაციო-სამიწობო სისტემა "კოდექსი-ოფისი" არასანქცირებული გამრავლებისაგან.
- 4.4. *მიმწოდებელი* არ იღებს პასუხისმგებლობას "კოდექსი-ოფისი"-ს მონაცემთა ბაზაში შეტანილი ინფორმაციის უშეცდომოებაზე, ასევე ნებისმიერი სახის ზიანზე რომელიც შეიძლება გამოწვეულ იქნას შეცდომების შედეგად, მათი არსებობის შემთხვევაში.

5. მხარეთა პასუხისმგებლობა ხელშეკრულების პირობების შეუსრულებლობისათვის

- 5.1. *მიმწოდებლის* მიერ ხელშეკრულებით ნაკისრი ვალდებულებების შეუსრულებლობის (ან არაჯეროვნად შესრულების) შემთხვევაში, *შემსყიდველი* უფლებამოსილია დააკისროს მას პირგასამტეხლო შესყიდვის ფასის 0,1%-ის ოდენობით შეუსრულებელი ვალდებულების ყოველი დღისათვის.
- 5.2. *შემსყიდველის* მიერ ხელშეკრულებით ნაკისრი ვალდებულების შეუსრულებლობის (ან არაჯეროვნად შესრულების) შემთხვევაში, *მიმწოდებელი* უფლებამოსილია დააკისროს მას პირგასამტეხლო შესყიდვის ფასის 0,1%-ის ოდენობით შეუსრულებელი ვალდებულების ყოველი დღისათვის.
- 5.3. საჯარიმო სანქციების გადახდა არ ათავისუფლებს არც ერთ მხარეს ძირითადი ვალდებულებების შესრულებისაგან.

6. ფორს-მაჟორი

- 6.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 6.2. ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი.
- 6.3. ფორს-მაჟორული გარემოებების დადგომის შემთხვევაში, ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 6.4. იმ შემთხვევაში, თუ ფორს - მაჟორული გარემოებები 1 (ერთი) თვეზე მეტ ხანს გასტანს, თითოეულ მხარეს შეუძლია ცალმხრივად შეწყვიტოს წინამდებარე ხელშეკრულება.

7. ხელშეკრულების განსაკუთრებული პირობები

- 7.1. წინამდებარე ხელშეკრულება შეიძლება შეწყდეს ან შეიცვალოს მხარეთა ორმხრივი შეთანხმებით. გარდა ამისა, ხელშეკრულების თითოეულ მხარეს უფლება აქვს ვადაზე ადრე შეწყვიტოს ხელშეკრულება ცალმხრივად, ისე, რომ მას ამისთვის არ დაეკისროს პასუხისმგებლობა, თუ შეწყვეტის შესახებ მეორე მხარეს წერილობით შეატყობინებს (დასაშვებია შეატყობინება ელექტრონული ფოსტის მეშვეობით) შეწყვეტამდე ერთი თვით ადრე. ხელშეკრულების ნებისმიერი მიზეზით შეწყვეტის შემთხვევაში მხარეთა შორის უნდა მოხდეს საბოლოო ანგარიშსწორება.
- 7.2. საკითხები, რომლებიც განხილული არ არის ამ ხელშეკრულებაში, გადაწყდება დამატებითი ხელშეკრულების დადებით.
- 7.3. ქონებრივი ან არა ქონებრივი დავა, რომელთა გამო მხარეები ვერ შეთანხმდებიან, გადაწყდება სასამართლოში საქართველოს კანონმდებლობის შესაბამისად.
- 7.4. მნიშვნელოვანი ინფლაციის შემთხვევაში (15 %-ზე მეტი) "კოდექსი-ოფისი"-ს ინფორმაციული განახლების ანაზღაურება შეიძლება შეიცვალოს მხარეთა შეთანხმებით.

8. ხელშეკრულების მოქმედების ვადა

- 8.1. ხელშეკრულება ძალაში შედის მხარეთა მიერ მისი ხელმოწერის მომენტიდან და მოქმედებს 2018 წლის 31 იანვრის ჩათვლით.
- 8.2. ხელშეკრულება შედგენილია ორ ეგზემპლარად და ორივეს თანაბარი იურიდიული ძალა ენიჭება მხარეთა მიერ ხელშეკრულების ხელმოწერის დღიდან.
- 8.3. მხარეთა იურიდიული და საბანკო რეკვიზიტებია:

შპს "ინფოსერვისი"

თბილისი, კ. ხეთაგუროვის 4
ტელ: 295-10-36
საიდენტიფიკაციო კოდი: 200 001 229
საბანკო რეკვიზიტები:
ბანკი "რესპუბლიკა"-ს სადგურის ფილიალი
ა/ა ანგარიშის №GE 31 BR 0600 0036 0800 2037
ბანკის კოდი REPLGE22

სსიპ „საზოგადოებრივი მაუწყებელი“

ტელ: 2409-007
ქ. თბილისი, კოსტავას ქ. #68
საიდენტიფიკაციო კოდი: 204 858 163
საბანკო რეკვიზიტები
სახ. ხაზინა
ანგარიშის № 200 122 900
ბანკის კოდი: TRESGE22

დირექტორი
ზურაბ თეთრაძე



გენერალური დირექტორის მოვალეობის
შემსრულებელი

თინათინ ბერძენიშვილი

